

Bahlanka ba Bolaodi ba Meedi ba etsa kgapo e kgolo mane Boemafofaneng ba Matjhaba ba OR Tambo

Tshwane, 13 Loetse 2021 – Bahlanka ba Bolaodi ba Meedi ba Ditshebeletso tsa Lekgetho tsa Afrika Borwa (SARS) ba hapile dikotwana tse 67 tsa *calcium hydroxide* e sebediswang ho hlahisa *crystal methamphetamine*, e tsejwang haholo e le “ice” kapa “tik”. Sena se tsejwang jwalo ka “party drug” sa boima ba 132.41kg mme se le sa boleng ba R40-million, se ile sa kgaoletswa theminaleng ya morwalo mane Boemafofaneng ba Matjhaba ba OR Tambo.

Ntja ya Yuniti ya Bofokisi ya Bolaodi ba Meedi e ne e etsa dihlahlobo tsa tlwaelo morwalong wa sefofane se neng se sa tswa ho fihla. Ha ho ntse ho bohilwe ho bokellwa ha morwalo ona, ho ile ha hlokomelwa mokganni wa sepalangwang ya neng a itshwere ka tsela e belaetsang. Mokganni enwa o ne a rwalla dithoto ho tswa mabokoseng a mabedi (2) ho kena sepalangweng sa hae.

Bahlanka ba ile ba atomela mokganni enwa mme ba kopa ho etsa hlahlobo. Bahlanka bana ba ile ba fumana diboloko tse 67 tsa se sa tsejweng se hlahang mane Addis Ababa. Ho ile ha sebediswa se hlahlobang dithethefatsi ho tsena mme tsona tsa supa hore sena ke *crystal meth*. Dithoto tsena di ne di tsebahaditswe e le tsa motho.

Bolaodi ba Diphuputso tsa Ditlolo tsa Molao tse itlhommeng pele ba Ditshebeletso tsa Sepolesa sa Afrika Borwa (Hawks) bo ile ba tsebiswa ka sena hore ba tle ba tiise le ho hlahloba hape sena se fumanweng. Hlahlobo e ile ya supa hore sena ke *calcium hydroxide*. Ya tlisitseng sena ka hare ho naha mmoho le mokganni enwa ba ile ba tshwarwa. Ho ile ha bulwa nyewe ya bonokwane mme ya ngodiswa le SAPS hore ho etswe diphuputso tse ding.

Ho kgaoletswa ha pejana mona ORTIA ho bile ka Phuptjane 2021 moo ho ileng ha fumanwa *mandrax*, ya boima ba 1 746kg ya boleng ba R105-million, e neng e tswa Kenya.

Khomishenara ya SARS Mong. Edward Kieswetter o thoholeditse maiteko a sehlopha se kgaolelitseng sena se kotsi mme a tlatsa ka hore "ebang ho ne ho sa etswa letho, naha ya rona le batjha ba rona ekabe ba le kotsing ya dithethefatsi tsena". O ntshitse temoso ya hore "SARS mmoho le diakgente tse ding tsa bophethahatsi ba molao, ba ka se lobe letho ho tobana le ba etsang diketso tsena tsa bonokwane le ho kgina phepelo ya dithethefatsi tsena tse kotsi tse batlang ho senya bokamoso ba naha ya rona, haholoholo ba batjha ba rona".

Ditshwantsho tsa *crystal meth* e fumanweng mane ORTIA